

SCRIPT OF EVENING GOJRI NEWS BULLETIN 21MAY 2025

1700HRS

اونینگ گو جری نیوز بلیٹن مورخہ 21 مئی 2025

یوہ آکا شوانی جموں بے نصرت تے محمد آسف تیں خبر سُنو۔

HEADLINES

- ۱۔ بھارت نے پاکستان غی طرفوں چلائی جارہی دہشت گردی ناں بے نقاب کرن غی خاطر سفارتی پروگرام شروع کردتو ہے۔
- ۲۔ لیفٹیننٹ گورنر منوج سنہا نے حالیہ تہاڑیں پاکستان غی طرفوں کی گئی گولہ باری غے دوران شہید ہوا کُنباں غا افراد ناں سرکاری نوکری دین گو اعلان کیو ہے۔
- ۳۔ لیفٹیننٹ گورنر نے پونچھ مانہ فوجی جواناں نال خطاب غے دوران کیو جے اوپریشن سندور بھارتی فوج غی حکمت عملی غی اک بڑی مثال ہے۔
- ۴۔ جموں کشمیر حکومت نے تمام غیر ضروری ویب سائٹ غا استعمال ور پوری طرح پابندی لادتی ہے۔
- ۵۔ جموں کشمیر مانہ کوٹے 13 لکھ طالب علماں نے مفت وردی تے کتاب حاصل کی ہیں۔

DELEGATION JHA

اج جے ڈی یو گا پارلیمان رکن سنجے کمار جھا غی قیادت مانہ تمام جماعتاں گ ایک وفد پنج ملکاں گا دورہ ور روانہ ہوا۔ یوہ دورو بھارت غا سفارتی کوششاں غو حصو ہے جس غو مقصد آپریشن سندھور نانہ اُجاگر کرنو تے پاکستان غی حمایت یافتہ دہشت گردی نانہ بے نقاب کرنو ہے۔ یے وفد انڈونیشیا، ملیشیا، جنوبی کوریہ، جاپان تے سنگا پور گو دورو کریں غا تانجے دُنیا غے سامنے یوہ پیش کیو جاسکے کہ بھارت دہشت گردی غے کلاف سخت تے پُر عزم موقف رکھے نوی دہلی مانہ روانگی تیں پہلاں زرّاع ابلاغ سنگ گل کرتا واں جناب جھا نے اس طرح کہیو۔

LG ANNOUNCEMENT

لیفٹیننٹ گورنر منوج سنہا نے ایک اہم اعلان کیو ہے کہ جہیڑا لوک پاکستانی گولہ باری مانہ جاں بحق ہوا ہیں اُن غا قریبی رشتہ دار نانہ سرکاری نوکری دتی جے غی یوہ اعلان اُنہاں نے پونچھ غا دورہ غے دوران کیو جت اُنہاں نے نقصانات غو جٹا یزو لیو زخمیاں تے متاثرہ خانداناں تیں ملاقات کی تے افسراں غے نال ایک اہم میٹنگ کی اُنہاں نے فوری مالی امداد دین تے انفرادی کمیونٹی بنکر بنان غو تفصیلی منصوبو جلد جمع کرن غی ہدایت کی لیفٹیننٹ گورنر نے کہیو کہ مرکزی حکومت تے یو ٹی غی انتظامیہ متاثران غے نال کھلی ہے تے اُن غی بحالی طبی سہولیات تے سرحدی علاقان مانہ طویل مدتی حفاظت واسطے پُر عزم ہے اس موقع ور گل کرتا واں ایل جی موصوف نے اس طرح کہیو۔

LG SINDOOR

لیفٹیننٹ گورنر منوج سنہا نے اج کہیو کہ آپریشن سندھور بھارت غی فوج تے سوچ سمجھ غی زندہ مثال ہے۔ اُنہاں نے اس نانہ بھارت غا فوج غی تاریخ گو ایک فیصلو کُن لمحو قرار دتو ایل جی موصوف نے کہیو کہ اس آپریشن نے ایک نوی لال لکیر کھچی ہے یوہ ثابت کیو

کہ اگر پاکستان نے کوئی وی شرارت کی تاں بھارت اُس غو طاقت ور جواب دے غو۔ اُنہاں نے مزید کہیو صرف 23 منٹاں مانہہ بھارت نے دہشت گردی غا سرگناہ نانہہ گٹنو ٹیکن ور مجبور کیو ایل جی موصوف نے بھارتی فوجیاں غی بہادری نانہہ سلام پیش کیو تے اُن غی بے مثال ہمت تے حکمت عملی غی تعریف کی پونچھ مانہہ اپنا دورہ غے دوران اُنہاں نے فوجی جواناں تیں ملاقات کی تے بھارتی فوج غا وار روم غ و دورو وی کیو۔ جواناں تیں گل کرتا واں ایل جی موصوف نے مزید اس طرح کہیو۔

OPERATION SINDOOR

پورو ملک اوپریشن سندھور غیکامیاب عمل آوری بارے جشن مناریو بے واضع رہ جے بھارت نے پاکستان غے خلاف آپریشن سندھور شروع کر غے پاکستان تے نا جٹا یز قبضہ آلا پاکستان مقبوضہ کشمیر مانہہ دہشت گرداں غا ٹھکانہ ور حملو کر غے کہٹوں کہٹ 100 غے قریب دہشت گرداں نانہہ تباہ کردتو تھو۔ واضع رہ جے بھارت نے پاکستانغا چہرہ ناں دنیا غے باندے بے نقاب کردتو بے یاد رہ جے بھارت نے اوپریشن سندھور کر غے بھارت غی دہشت گردی بارے سفر برداشت غیپالیس ناں عالمی دنیا غے باندے آئیو بے اس اوپریشن غی کامیابی بارے لوک جشن مناتا واں اپنا خیالات آکاشوانی جموں نال سانجہ کر رہیا ہیں۔ فوج غا سبقکوش میجر جنرل گووردن سنگھ جموں نے اس طرح کہیو۔

TIRANGA YATRA

ریاسی ضلع غا کٹرہ علاقہ مانہہ اج ترنگا ریلی غو شاندار انعقاد کیو گیو جہیڑو آپریشن سندھور غی کامیابی غو جشن تھو۔ اس مانہہ عوام نے بڑی تعداد مانہہ جوش و جذبہ غے نال شرکت کیو۔ ریلی مانہہ سابق فوجی نوجوان طلباء سول سوسائٹی غا افراد تے مقامی لوک شامل تھو سارا نے قومی چھنڈا نانہہ فخر تیں چاڑیو تے شہر مانہہ مارچ کیو قومی یکجہتی غا نعارا لایا تے فوج غا جواناں نانہہ سلام پیش کیو اس موقع ور جموں ریاسی غا رکن پارلیمان جگل کشور شرما وی موجود تھو جنہاں نے ذرائع ابلاغ سنگ گل کرتا واں اس طرح کہیو۔

JK GOVT OFFICIAL ID

جموں کشمیر انتظامیہ نے تمام انتظامی محکمہ ناں ہدایت کی این جت غیر مجازی محکمہ جاتی ویب سائٹ ناں بند کیو جے اس سلسلہ مانہہ جنرل انتظامی محکمہ غی طرفوں یا gov.in جاری اک حکمنامہ مانہہ کیو گیو بے کہ تمام محکمہ جات سرکاری طورور جیسی ویب سائٹ غا ڈیڑہ مانہہ آنا چاہیے تے دفتری کم کاج غی خاطر jk.gov.in استعمال کیا جان آلا ذاتی ای میل آکاونٹ ور وی پابندی لا دتی گئی بے زریعاں نے دسیو بے جے دفتری کم کاج غی خاطر آپسی رابطاں واسطے این آئی سی ای میل آئی ڈی غو استعمال کی وجے غو۔

SCHOOL JK

جموں کشمیر غا تعلیمی اداراں مانہہ کوئے 13 لکھ غے نیڑے طالب علم مفت وردی تے کتاب حاصل کر رہیا ہیں۔ واضع رہ جے پہلی جماعت تیں 8 ویں جماعت توڑی 8 لکھ طالب علم وردی جد کہ تیجی تیں 5 ویں جماعت توڑی 5 لکھ 5 ہزار طالب علم مفت کتاب حاصل کر رہیا ہیں جدکہ

15 ہزار پری پری مری جماعت 13 ہزار 804 آیا غی مدد نال چلائی جارہی ہیں زریعاں نے دسیو
بے جے 1 لکھ 34 ہزار غے نیڑے طالب علم روز گار بارے ہنر سکھ رہیا ہیں۔

PALKIWALAS RETURN

ہزاراں غی تعداد مانہ پالکی آلا فر تیں شری ماتا ویشنو دیوی غی یاترا ور جان آلا یاتریاں
غی خدمت واسطے اپنی چڑیاں ور پوج گیا ہیں۔ واضع رہ جے 5 ہزار توڑی غے نیڑے غا کم
کاج کرن آلا لوک حالیہ تہاڑیں پہلگام واقع تیں بعد سیدا ہوی صورتحال غی وجہ تیں واپس مڑ
گیا تھا جہیڑا ہون دوبارہ تیں اپنو کم کاج شروع کردتو بے یاد رہ جے ان غی واپسی نال
یاتریاں تے خاص کر مقامی مہشت ناں بےادولے گو۔ انتظامیہ نے ان کا واپس مڑن ور
استقبال کرتاں واں یاترا ور آن آلا ظاہرین غی خاطر ہر ایک سہولت دستیاب رکھن غو یقین
دوايو بے۔

ANNOUNCEMENT

علاقائی خبراں گو شعوبو آکاشوانی جموں ضلع کٹھوعہ واسطے خبر ٹورن غیکاطر نمبہ بندہ
کولوں درخواست طلب کرن غو خواہش مند بے واضع رہ جے درخواست گزار غی عمر غی
حد 24 توں 50 براں توڑی مقرر کی گئی بے درخواست گزاراں ناں اطلاع دتی جے ، جے خبراں
غی کاطر نمبہ بندہ غی تعلیمی قابلیت صحافت مانہ پوسٹ گرجیشن غی ڈگری یا فر کسی تسلیم
شدہ یونیورسٹی تیں ڈپلومو ہونو لازمی بے اس تیں علاوہ ۲ سال غو صحافت مانہ تجربو
وی ضروری بے علاقائی خبراں ولا شعوبہ توں جاری نوٹفکیشن مانہ کہیو گیو بے جے
درخواست گزار ضلع صدر دفتر کٹھوعہ غا 10 کلو میٹر غا دہری غے اندر بسنیک وے۔ واضع
رہ جے درخواست غی ہاڈ کاپی بندہ 15 جون شام 6 بجے توڑی آکاشوانی نیوز پنجترتھی جموں
مانہ جمع کر لئی جاسکیں۔ مزید تفصیلات غی خاطر ویب
ور دستیاب بے۔ www.newsonair.gov.in سٹاٹ

PM MKB

وزیر اعظم نریندرمودی ملک تے بیرون ملک رہ رہیا بھارتی شہریاں سنگ بندہ 25 مئی
نانہ آکاش وانی ور من کی بات پروگرام مانہ اپنا خیالات سانجہ کریں گایاہ ماہوار ریڈیو
پروگرام غی 122 ویں قسط وے غی۔ لوگ اپنا خیالات تے تجویز ٹول فری نمبر
1800117800 ور ڈال کر غے روانہ کر سکیں۔ اس توں علاوہ نریندرمودی ایپ یاہ فر
مائی گو اوپن فورم ور وی اپنا خیالات تے تجویز روانہ کی جا سکیں۔ یہ تجویز اس مہینہ
غی 23 تا ریخ توڑی بی قابل قبول وین گی۔ یوہ پروگرام آکاش وانی، دور درشن، اے آئی آر
نیوز ویب سٹاٹ تے نیوز آن لائن موڈل ایپ ور نشر تے ٹیلی کاسٹ کیو جاے گو۔ اس توں
علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و
نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جاے گو۔
آکاش وانی اس پروگرام غی بندی نشریات غے فوراً بعد اس نانہ علاقائی زبانان مانہ وی
نشر کرے گو۔
